

آبونه سرائطی

ممالک عثمانیه ده سنه لکی (۶۵) آلتی
آیلغی (۲۵) غروشدر
ممالک اجنبیه ده سنه لکی (۱۷)، آلتی
آیلغی (۹) فرانقدر .

اداره خانه

باب عالی جاده سنده دائره مخصوصه

افطارات

آبونه بدلی پشیندر .

§

مسلكه موافق آثار مع المنونیه قبول
اولنور . درج ابدله یں یازیلر اعاده
اولونماز .

المجله

سیرا

دینی ، فلسفی ، علمی ، ادبی هفتعلق مجموعه اسلامیه در .

صاحب و مدیر مسئول

اشرف ادیب

باش محرر

محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

عدد ۳۴۲

۲۷ رجب ۱۳۳۳

پنجشنبه

۲۸ مایس ۱۳۳۱

جلد ۱۴



افطارات

رساله مردد اندیغی کوسترلک شرطیه
تتون یازیلر هر هانکی برغنه طرفلندن
اقتباس اولونه ییلیر .

§

مکتوبلرک ، امضالری واضح واروقوناللی
اولسی و آبونه سره نومروسنی محتوی
بولونمسی لازمدر .

§

ممالک اجنبیه ایچون آبونه اولانلرک
آدرسارینک فرانسزجه ده یازلسی رجا
اولنور .

§

پاره کوندرلدیکی زمان نه به دائره اولدیغنک
واضحاً ییلدیرلسی رجا اولنور .

الفسق - الحرام الحائث = خمر ، كافة فسق وفجورك ؛ بالعموم
فقالقرك اناسی در .

اوت ، شرب خمر بتون فنالغك باشی اولدینی ، حتی انسانك
ذریتمده سرایت ایله دیکی جهته دین فطری اولان اسلامیت بونی منع
ایتمش ، اونی « رجس من عمل الشیطان » ایله توصیف ایله مشدر .
حتی دها زیاده شاعتنی کوسترمك ایچون زوال ایمانك اسبابندن
عد ایتمش در . « لایشربالخمر شارها وهو مؤمن » بوحدیث شریفده
شبهه یوق که شرب خمرک مبادی ایمانه اولان شدت منافرتنه ایما ،
مؤمنك حالنه ملایم اولیمان انحطاط شقایه داعی اولدیغنه تنبیه واردر .
چونکه مؤمنك دینی سعادت وترقی دینی در . خلاصه شریعت اسلامیه
شرب خمردن یزی برقاچ صورته تنفیر اییدیور : بعضاً اونی عمل شیطان
ایله ، بعضاً ام الحائث ایله توصیف ، بمضاده ایمانه سبب کوسترمك
صورتیله شرب تنفیر اییدیور ، که بونده مخاطبک حالی ده نظر دفته
النور .

آفسه کیلی

احمد حمدی

جهاد اسلام

اتحاد و اتفاق اسلامی یوکسلتدی ،

نفاق و شقاق پریشان ایتدی .

شیمدی بو مقاله مزده قارئین کرامك نظر دقتلرینه غایت مهم
بر حادثه عرض ایتمك ایسترز . بکن هفته کی مقاله ده ذکر اولدینی
وجهله حضرت عمرک خالد بن ولیدی عموم قوماندانلقدن عزل ایله
قوماندانلغك ابو عبیده به توجیهی اشبو حرب اتناسنه تصادف ایتمش ایدی .
قوماندانلق منشورینی حامل اولان ساعی اوئانده اردوییه واصل اولدی .
ومنشوری ابو عبیده حضرتلرینه تسلیم ایلدی . ابو عبیده حضرتلری
منشوری قرائت بیوردقدنصکرده کن ساعی به کیفیتك کتم و اخفاسنی
تنبیه ایلدیکی کی کندیسیده منشوری کتم و اخفا ایلدی . ینه اسکسی
کی خالدك تحت قوماندانسنده اوله رق فرقه قوماندانلغیله وظیفه جهاده
دوام ایلدی . تا دمشق شام فتح اولنجیه قدر بو منشوری ابراز
ایتمدی و عموم قوماندانلغده ال سورمه دی . بوکاسبب نه ایدی ؟
هیچ شبهه سزاردوده کی اتحاد و اتفاق محافظه . ابو عبیده منشوری ابراز
ایدوبده قوماندانلغی درعهده ایده جك اولسه ایدی احتمالکه اردوده
نفاق و شقاق ظهور ایده جك و مظفریت اوله میه جق ایدی . ایشته
بوتهلکه دن اردوییه وقایه صلاحیتنی بوسورتله فدا ایلدی . منشوری
ابراز ایستدکن صکره حضرت خالده قطعاً بر کونا تأثر و انفعال
کوسترمیه رک : « ابن نفر لکه اولسون مجاهدین میانته قبول اولنه میه جقمی هم ؟ »
دییه ابو عبیده دن سؤال ایلدی . ابو عبیده ده کندیسنی فرقه قوماندانلغنه

نصب و تعیین ایلدی .

شیمدی بوراده بوایکی بیوک ذانك هر ایکسینک ده ابراز ایلدکلی
علو جناب ایله اسلام اردوسنی شقاق و نفاقدن وقایه و محافظه ایچون
اختیار ایستدکلی فداکارلقره قارئین کرامك و باخصوص عسکر
اولادلرمزك نظر دقتلرینی جلب ایتمکدن کوی دورده میه جغز .
بورایه قدر ذکر اولنان محاربات ایله بو یولده اختیار اولنان
تحملافرسا فداکارلقره عصر سعادت ایله خلفای راشدین زمانه عائد
اولانلردر . شیمدی برده بونی ولی ایدن تابعین زمانه عطف
نظر ایدلم .

امویلردن ولید بن عبدالملکک رماننده بری عراقدن ، دیکری
مصردن اوللق اوزره ایکی قول اردو ترتیب قلندی . عراق
اوردوسنك عموم قوماندانلغی قتیبه بن مسلم ، مصر اردوسنك
قوماندانلغی ده موسی بن نصیر نام قهرمانلره تودیع اولمش ایدی .
بو قهرمانلرک هر برینك رایتی آلتنده بولنان مجاهدینك عددی
قرقر بیک کیشی رادسنده ایدی قتیبه ، اردوسیله شرفه ، موسی
غربه متوجهاً حرکت ایستدیلر . ممالک ایرانیه ذاتاً حضرت عمر زماننده
فتح اولمش اولدینی جهته شرق اوردوسنی فتوحاته تورکستان کبیردن
باشلادی . قتیبه مرکزدن پک اوزاق دوشدیکی جهته کریدن امداد
آلق احتمالاً کلیاً مفقود ایدی . قتیبه معیننده بولنان بو قرق بیک
کیشی ایله تورکستان کبیرده موجود بیسوک و کوچک متعدد
حکومتلری حوزه اسلامه آلدقدن صوکره تاجین حدودینه واصل
اولدی ، چین حکومتی ده خواجه کسندی . هانکی قوتنه ؟ ایشته
او معیننده بولونان قرق بیک کیشی ایله که بونلرکده جمله سی برحیات
اوله رق اورایه واصل اولمدیلر . بک طبیعی درکه برچوقلری یا مجروح
ویا شهید اولدیلر . ایشته بر آووج دنیه جك قدر قلیل اولان بوقوتله
قتیه نك بوقدر جسم فتوحاته نائل اولسی ، چین حکومت کی برحکومت
جسیمه قوییه تیهدید ایده رک بلا حرب خراجکزار ایله سی نه سایه ده
اولدی ؟ هیچ شهه سز اتفاق و اتحاد ، صبر و متانت سایه سنده .

قهرمان موسی بن نصیر ایسه تحت قوماندانسنده بولنان غازیلره
آفریقایه صوسنز ، آتشین قوم دریالری یاره رق ، بربری طائفه سی کی محارب ،
عنود بر طائفه یی سیف قهرمانانه سنه رام ایده رک مدت قلیله ظرفنده
بحر محیط اطلسی ساحلنه ، قناریه آطه لری قارشوسنه واصل اولدی .
قهرمان موسی غلیانه کله رک آتی ، یاخود علی روایه دودسنی دکزه
سوردی . برمدت کیتدکدن صکره توقف ایتدی . بوزنی سایه
چویردی : « یارب ، سن شاهد اول که ایشته بودکز سیر و حرکتمه مانع
اولدی . اکر اولیه ایدی سنک توحید ربانیکی منتهای ارضه قدر نشر
و اعلان ایده جك ایدم . » دیدی .

ماهدی وار

سابق بغداد قاضی

علی وهبی

مطبعة آمدی

ح . اشرف ادیب